



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiæ

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Reges coactè monachati, quorum locus Monachismi ignoratur. cap. X.

urn:nbn:de:hbz:466:1-38397

Reges, coacti Monachati, quorum locus Monachismi
ignoratur. Cap. X.

Tolgan, Visigothorum Rex.



TOLGAN, seu Tulgas, Visigothorum in Hispania
Rex XXX. cum admodum puer patri in regnum
successisset, a Gothis ob ætatem imbecilem spre-
tus, captus, & in cœnobium quoddam Hispanie
detrusus anno Domini 644. regni sui secundo an-
no in conuersatione monastica uitam finit.

Grantzius in sua Suecia, lib. 4. c. 37. Sigebertus in chron. ad ann. 684. &
alii. Ille scas tamen in historia Pontificali, & Io. Mariana de reb. Hisp.
li. 6. c. 8. id pernegant, propria eum morte Toleti defunctum assenerant,
lector quod velit sequatur, nolumus enim in re dubia auctoritatem
uicium auctorum antiquiorum infringere, ut alteram eamque recentiorum
comprobemus.

Eboricus, Sueuorum Rex.

EBORICVS, aliis Euricus, Mironis filius, Sueuorum in Hispania
Rex VI. cum regnum anno uno tenuisset, ab Andeca tyranno cap-
tus, & in monasterium iniectus, monachi profiteri iussus est, an-
no Domini 583. Ioannes Vaseus in chron. Rodericus Toletanus de reb.
hisp. lib. 1. c. 21. Mariana, lib. 5. c. 1. Ambrosius moralis, lib. 11. c. 71.
& alii multi.

Andecas, Sueuorum Rex.

ANDECAS, Sueuorum & ipse in Hispania Rex VII. eadem qua
Eborico fecerat passus, & a Peouigildo Visigothorum in Hispania
Rege, regno priuatus ac in quodam cœnobio Pacensis ciuitatis
tonsus, presbyterij postmodum honore ibidem decoratus est. *Ande-
cas in Eborico citati.*

Bernardus, Italie Rex.

BERNARDVS, Pipini filius, Caroli Magni Imperatoris nepos
Rex Italie aui voluntate coronatus, cum Ludouicum Imp. partem
suam aditu Italia prohibere, ac regno Franciæ, quod ad se pertine-
re iam pridem quorundam assentatorum blanditijs persuasus erat
exuere institueret; eius hostili aduentu territus, a suisque deserta-
tus, armis abiectis, apud Cabellonem Heduarum, urbem Burgun-
diæ, ipsi se tradidit, anno Domini 818. A quo in Germaniam abdu-
ctus, & Aquisgrani iuxta leges Romanas & Salicas ad capitis sup-
plicium

plicium condemnatus, sed uita donatus, luminibusque orbat, in monasterium quoddam inclusus est; in quo postmodum marore vitam finit XV. Cal. Maii, an. 818. sepultus Mediolani in ecclesia S. Ambrosij. *Genealogia Regum Francie.*

Magnus, Noruegia Rex.

MAGNVS, II. Noruegiae Rex VI. ab Haraldo ingenti praelio victus, captus, oculis, ac genitalibus priuatus, & postremo in monasterium detrusus; uitam illic coenobiticam ducere compulsus est, anno Domini 1132. regni autem sui 40. *Albertus Crantzius in sua Noruegia lib. 5. c. 6.*

De quibusdam tam Regum filijs, quam alijs, qui ex choro Monachorum assumpti, ad regalem promoti dignitatem, in ea potestate obierunt.

Cap. XI.

Sigwardus, Londoniensis monachus, Saxonum Orientalium Rex.



IGHARDVS, Sebba Saxonum Orientalium Regis filius, a prima etate in monasterio SS. Petri, & Pauli Londini monasticam uitam professus, Patre abdicante, ut contemplationi rerum celestium in habitu monastico facilius uacare posset, hic impius uestem monachalem respuit, & pro regno coelesti quod accepturus erat, terrenum arripuit, & Saxonum Orientalium Rex VIII. acclamatus, anno Domini 676. potestate regia vsus est annis decem; anno 687. iusto Dei iudicio a Ceadualla Saxonum Orientalium Rege, cum fratre Fredone, quem sibi coadiutorem elegerat, regno pulsus, meritis reuerentis & impietatis suae poenas luit, & in exilio miserè uitam finit. *Beda in hist. angl. lib. 4. c. 11. & 12. & alij ab ipso mutuati.*

Chilpericus II. Kalensis, Francie Rex.

CHILPERICVS II. is qui a Pipino Duce, & aulae praefecto in cenobio S. Marie de Kale, non longe a Parisijs, attonsus, mutatoque nomine Daniel nuncupatus fuerat, Clothario II. a maioribus Francie oppositus, sed semper a Carolo Martello, qui Clotharij partes sequebatur uictus, cum aliquot menses regnasset in glorius, ad monasterium s. Emerani Ratisponae relegatus est: unde Nicolaus Cle mens